

元人散曲三種

舒屋山人題

元四家散曲二目次

白樸

小令 三十六首

慶東原 三首

駐馬聽 四首

天淨沙 八首 以上錄陽春白雪

德勝令 八首 錄殘元本陽春白雪

陽春曲 十首 錄太平樂府

寄生草

沉醉東風

醉中天 以上錄蟾山堂外紀

套數 四套

雙調喬木查 對景

大石調青杏子 咏雪 以上錄太平樂府

仙呂點絳脣 錄樂府新聲

小石調惱殺人 錄太和正音譜

元四家散曲二

任氏詞曲叢書第一種

白樸

小令

慶東原三首

忘憂草。含笑花。勸君聞早冠宜掛。那裏也能言陸賈。那裏也良謀子牙。那裏也豪氣張華。千古是非心。一夕漁樵話。待君開校。

黃金縷。碧玉簫。溫柔鄉裏尋常到。青春過了。朱顏漸老。白髮彫騷。只待

強簪花。又恐傍人笑。天額集。強作。只強待。非。

暖日宜乘轎。春風宜試馬。恰寒食有二百處秋千架。對人嬌杏花。撲人

飛柳花。迎人笑桃花。來往畫船遊。招颭青旗掛。又畫船遊作。畫船邊。

駐馬聽

吹

裂石穿雲。玉管宜橫清更潔。霜天沙漠。鷓鴣風裏欲偏斜。鳳凰臺上暮
雲遮。梅花驚作黃昏雪。人靜也。一聲吹落江樓月。四句欲字待校。遮遺闕。

彈

雪調冰絃。十指纖纖溫更柔。林鶯山溜。夜深風雨落絃頭。蘆花岸上對
蘭舟。哀絃恰似愁人消瘦。淚盈眸。江州司馬別離後。

歌

白雪陽春。一曲西風幾斷腸。花朝月夜。箇中唯有杜韋娘。前聲起徹遶
危梁。後聲並至銀河上。韻悠揚。小樓一夜雲來往。

舞

鳳髻蟠空。嫋娜腰肢溫更柔。輕移蓮步。漢宮飛燕舊風流。謾催鼂鼓品
梁州。鷓鴣飛起春羅袖。錦纏頭。劉郎錯認風前柳。

天淨沙

春

春山隱隱日和風。闌干樓閣簾櫳。楊柳秋千院中。啼鶯舞燕。小橋流水飛紅。

夏

雲收雨過波添。樓高水冷瓜甜。綠樹陰垂畫簷。紗廚藤簟。玉人羅扇輕纖。

秋

孤村落日殘霞。輕烟老樹寒雅。一點飛鴻影下。青山綠水。白草紅葉黃花。

冬

一聲畫角譙門。半亭新月黃昏。雪裏山前水濱。竹籬茅舍。淡烟衰草孤

村。

春

暖風遲日春天。朱顏綠鬢芳年。挈榼攜童跨蹇。溪山佳處。好將春事流

連。

攜童。攜童。作攜童。攜童。

夏

參差竹筍抽簪。纍垂楊柳攢金。旋趁庭槐綠陰。南風解慍。快哉消我煩

襟。

秋

庭前落盡梧桐。水邊開徹芙蓉。解與詩人意同。辭柯霜葉。飛來就我題

紅

冬

門前六出花飛。尊前萬事休提。爲問東君消息。急教人探。小梅江上先

知。

德勝令

據遺令作樂非

春

麗日遲。和風習。共王孫公子遊戲。醉酒淹衫袖。濕簪花壓帽簷低。簪一作筵。

夏

酷暑天。葵榴發。噴鼻香十里荷花。蘭舟斜纜垂楊下。只宜鋪枕簟。向涼亭披襟散髮。

秋

玉露冷。蛩吟砌。聽落葉西風渭水。寒雁兒長空嘹唳。陶元亮醉在東籬。

太和正音譜起作玉露冷。冷蛩吟砌。落葉西風渭水。

冬

密布雲。初交臘。偏宜去掃雪烹茶。羊羔酒添價。膽瓶內溫水浸梅花。

又四首

獨自寢。難成夢。睡覺來。懷兒裏。抱空。六幅羅裙寬褪。玉腕上釧兒鬆。

獨自走。踏成道。空走了。千遭。萬遭。肯不肯。疾些兒通報。休直到教擔擱。

得大明了。據遺作天
明了。非。

紅日晚。遙天暮。老樹寒。雅幾簇。咱爲甚。粧粧頻覷。怕有那新雁兒。旣來。

書。粧粧疑是椿。據遺空關。
二字。恍字待校。據遺作飛。

紅日晚。殘霞在。秋水共長天一色。寒雁兒呀呀的天外。怎生不捎帶箇
字兒來。

陽春曲

知幾四首

知榮知辱。牢緘口。誰是誰非。暗點頭。詩書叢裏。且淹留。閑袖手。貧煞也
風流。

今朝有酒今朝醉。且盡樽前有限盃。回頭滄海又塵飛。日月疾。白髮故人稀。

不因酒困因詩困。常被吟魂惱醉魂。四時風月一閑身。無用人。詩酒樂天真。

張良辭漢全身計。范蠡歸湖遠害機。樂山樂水總相宜。君細推。今古幾人知。辭漢。元刊太平樂府作辭。此從何夢華舊藏鈔本。

又

題情六首

輕拈斑管書心事。細摺銀箋寫恨詞。可憐不慣害相思。只被你箇肯字兒。拖逗我許多時。
鬢雲懶理。愧金鳳。胭粉慵施減玉容。傷情經歲繡幃空。心緒冗。悶倚翠屏風。

慵拈粉線閑金縷。懶酌瓊漿冷玉壺。才郎一去信音疎。長歎吁。香臉淚如珠。

從來好事天生險。自古瓜兒苦後甜。奶娘催逼緊拘鉗。苗是嚴。越間阻。

越情忼。

苗是兩字待校。

笑將紅袖遮銀燭。不放才郎夜看書。相偎相抱取歡娛。止不過送應舉。及第待何如。

百忙裏鉸甚鞋兒樣。寂寞羅幃冷串香。向前樓定可憎娘。止不過趕嫁粧。誤了又何妨。

寄生草

勸飲

幾山堂外紀卷六十八。白勸飲仁甫勸飲寄生草詞曰。

長醉後。方何礙。不醒時。有甚思。糟醢兩箇功名字。醅渰千古興亡事。麴埋萬丈虹霓志。不達時。皆笑屈原非。但知音。盡說陶潛是。

不醒原作不醉。此從中原音韻。

沉醉東風

漁父詞

同前。白仁甫沉醉東風漁父詞云。

黃蘆岸白蘋渡口。綠楊隄紅蓼灘頭。雖無刎頸交。却有忘機友。點秋江白鷺沙鷗。傲殺人間萬戶侯。不識字烟波釣叟。

醉中天

佳人臉上黑痣

同前。白仁甫有醉中天賦佳人臉上黑痣云。

疑是楊妃在。怎脫馬嵬災。曾與明皇捧硯來。美臉風流殺。叵奈揮毫李白。觀著嬌態。灑松烟點破桃腮。繞山堂外紀。忽脫本作逃脫。此從中原音韻。太平樂府。屬杜遵禮。且字句多異。

曰。好似楊妃在。逃脫馬嵬災。曾向宮中捧硯來。堪伴詩書客。直耐無情的李白。醉拈斑管。灑松烟點破桃腮。

套數

雙調喬木查

對景

海棠初雨歇。楊柳輕煙惹。碧草茸茸鋪四野。俄然回首處。亂紅堆雪。

么篇

恰春光也。梅子黃時節。映日榴花紅似血。胡葵開滿院。碎翦宮纈。胡一作蜀。

掛搭沽序

倏忽早庭梧墜。荷蓋缺。院宇砧韻切。蟬聲咽。露白霜結。水冷風高。長天雁字斜。秋香次第開徹。

么篇

不覺的冰漸結。彤雲布朔風凜冽。亂撲吟窗。謝女堪題。柳絮飛。玉砌長郊萬里。粉污遙山千疊。去路賒。漁叟散。披簑去。江上清絕。幽悄閑庭。舞榭歌樓。酒力怯。人在水晶宮闕。

么篇

歲華如流水。消磨盡自古豪傑。蓋世功名總是空。方信花開易謝。始知

人生多別。憶故園。漫歎嗟。舊遊池館。翻做了。狐蹤兔穴。休癡休呆。蝸角
蠅頭。名親共利切。富貴似花上蝶。春宵夢說。說字待校。

尾聲

少年枕上歡。杯中酒好天良夜。休辜負了錦堂風月。

大石調青杏子

詠雪

空外六花翻。被大風灑落千山。窮冬節物偏宜晚。凍凝沼沚。寒侵帳幕。
冷濕闌干。

歸塞北

貂裘客。嘉慶捲簾看。好景畫圖收不盡。好題詩句詠猶難。疑在玉壺間。
好觀音。

富貴人家應須慣。紅爐暖不畏初寒。開宴邀賓列翠鬟。拚酩酊。暢飲休

辭憚。

太和正音譜
初寒作嚴寒。

么篇

勸酒家人擎金盞。當歌者款撒香檀。歌罷喧喧笑語繁。夜將闌。畫燭銀

光燦。

太和正音譜三句作
雞綺交雜笑語繁。

結音

似覺筵間香風散。香風散非麝非蘭。醉眼朦騰問小蠻。多管是南軒臘
梅綻。

仙呂點絳脣

金鳳釵分。玉京人去。秋瀟瀟。晚來閑暇。針線收拾罷。獨倚危樓。十二珠
簾掛。風蕭颯。雨晴雲乍。極目山如畫。

混江龍

斷人腸處。天邊殘照水邊霞。枯荷宿鷺。遠樹棲鴉。敗葉紛紛擁砌石。修

竹珊珊。掃窗紗黃昏近。愁生砧杵。怨入琵琶。

穿窗月

憶疏狂。阻隔天涯。怎知人埋冤他。吟鞭醉裊青驄馬。莫吃秦樓酒。謝家茶。不思量。執手臨歧話。

寄生草

凭闌久。歸繡幃下。危樓強把金蓮撒。沉深院。字朱扉。屋立蒼苔冷透凌波襪。數歸期。空畫短瓊簪。搥啼痕。頻濕香羅帕。

元和令

從絕雁書。幾度結龜卦。翠眉長是鎖離愁。玉容憔悴煞。自元宵等待過重陽。甚猶然不到家。

上馬嬌煞

歡會少。煩惱多。心緒亂如麻。偶然行至東籬下。自嗟自呀。冷清清和月

對黃花。

小石調惱煞人

又是紅輪西墜。殘霞照萬頃銀波。江上晚景寒烟。霧濛濛。風細細。阻隔離人蕭索。

么篇

宋玉悲秋愁悶。江淹夢筆寂寞。人間豈無成與破。想別離情緒。世界裏只有俺一箇。據遺豈無作豈有

伊州遍

爲憶小卿。牽腸割肚。恹恹悄然無底末。受盡平生苦。天涯海角。身心無箇歸著。恨馮魁趨恩奪愛。狗行狼心。全然不怕天挫折。到如今割地喫耽閣。禁不過。更那堪晚來暮雲深鎖。太和正音譜作狗倖狼心此從北詞廣正譜

么篇